

Nr. 1006 Prot. Datë 26 / 11 / 2024

Nr. 4567 Prot. Datë 26 / 11 / 2024

MEMORANDUM BASHKËPUNIMI

Ky memorandum, lidhet ndërmjet palëve të mëposhtme:

Kolegji Universitar, “Instituti Kanadez i Teknologjise”, me personalitet juridik sipas ligjit 80/2015 “Nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, themeluar nga C.I.T sh.p.k me NUIS L11614010R ku qendra e vëmendjes është arsimi. Kolegji Universitar IKT, ofron të gjitha programet e mësimdhënies ekskluzivisht në anglisht, duke garantuar përputhshmëri me standardet ndërkombëtare rigorozë të arsimit të lartë në Evropë dhe Amerikën e Veriut. Në IKT, udhëtimi arsimor pasurohet nga njohuritë speciale të anëtarëve vendas shumë të kualifikuar të fakulteteve me përgatitje ndërkombëtare mbresëlënëse. Për më tepër, stafi akademik ndërkombëtar i arrirë kontribuon në mënyrë aktive në formimin dhe zbatimin e programeve novatore në Biznes dhe Teknologji. I themeluar në vitin 2011, filozofia e CIT synon t'i ofrojë studentëve potencial, aftësitë e domosdoshme dhe konkurruese të kërkuara nga rajonet shqiptare dhe ballkanase, si edhe nga tregjet e punës në Evropë dhe Amerikën e Veriut, përfaqësuar nga Prof. Dr. Ismail Kocayusufoğlu, në cilësinë e Rektorit, madhor dhe me zotësi të plotë juridike për të vepruar, këtu e më poshtë referuar si “IKT”,

DHE

“Drejtorja e Përgjithshme e Pronësisë Industriale” me seli në: “Bulevardi Zhan D’Ark”, Prona nr. 33, Ish Shtëpia e Ushtarakëve, Tiranë, Shqipëri, regjistruar me Numrin Unik të Identifikimit të Subjektit (NUIS) K51726018J, me objekt veprimtarie si institucioni i vetëm përgjegjës për regjistrimin, administrimin dhe promovimin e të drejtave të Pronësisë Industriale në Republikën e Shqipërisë, detyrim që i buron nga Kushtetuta e Republikës së Shqipërisë, nga ligji organik nr. 9947, datë 07.07.2008 “Për Pronësinë Industriale” i ndryshuar, neni 189, si dhe nga dokumente strategjike si: Marrëveshja e Asociim-Stabilizimit në nenin 73 të saj, “Pronësia Intelektuale”. DPPI funksionon në formën e një agjencie autonome, nën mbikëqyrjen e ministrit përgjegjës për ekonominë, pranë ministrisë së Ekonomisë, Kulturës dhe Inovacionit (MEKI), përfaqësuar nga Znj. Maria Solis Kapedani, në cilësinë e Drejtorit të Përgjithshëm të Komanduar, madhor dhe me zotësi të plotë juridike për të vepruar, këtu e më poshtë referuar si “DPPI”.

Neni 1

Objekti i Bashkëpunimit

Objekti i këtij memorandumi është përcaktimi i fushave dhe mënyrave të bashkëpunimit midis IKT dhe DPPI. Entitetet e mësipërme bien dakord të bashkëpunojnë për një afat të pacaktuar kohor më njëra-tjetrën në fushat ku të dyja palët ushtrojnë aktivitetin e tyre kryesor dhe/ose plotësues. Pikat kryesore të bashkëpunimit do të jenë:

I. Kualifikim / Specializime

IKT do të ofrojë mundësinë për kualifikime të burimeve njerëzore në programe të të dyja cikleve të studimit: Bachelor dhe Master i Shkencave. Gjithashtu, do të ofrojë mundësinë për trajnime të certifikuar 3-12 javore në fushat e interesit.

DPPI vendos në dispozicion të IKT burimet e saj të kualifikuara njerëzore për qëllime të mbulimit të aspekteve praktike të kurrikulës mësimore në secilin program mësimor.

II. Konsulencë

IKT do të ofrojë shërbime këshillimi dhe konsulencë të specializuar në të gjitha fushat e ekspertizës së vet akademike dhe profesionale, sipas interesave dhe termave preferenciale të dakortësuara midis palëve DPPI, do të ftohet në proceset e hartimit të programeve të reja të studimit, ose rishikimit të atyre ekzistuese për të reflektuar kërkesat e tregut të punës.

III. Praktika profesionale dhe mbështetja për punësim

DPPI, në përputhje me nevojat dhe mundësitë e disponueshme do të pranojë studentë në praktika profesionale duke iu dhënë mundësinë studentëve të IKT të shfaqin/përmirësojnë aftësitë e tyre profesionale, si dhe të ofrojë mundësi punësimi.

IV. Projekte studimore dhe kërkime me natyrë aplikative për industrinë

- DPPI, do të mundësojë akses dhe përdorim të dhënash për hartimin e temave të diplomës, disertacioneve të studentëve të IKT dhe kërkimin shkencor të stafit akademik, duke respektuar legjislacionin për mbrojtjen e të dhënave individuale.
- IKT ofron realizimin e kërkimeve bazë dhe të aplikuara nga studentëte dy cikleve të studimit dhe nga stafi i tij akademik, për çështje specifike me interes të përbashkët.
- Palët angazhohen të organizojnë dhe zhvillojnë veprimtari/ projekte/ evente të përbashkëta në fushat e përbashkëta të interesit.
- Në raste të caktuara dhe kur krijohen detyrime me natyrë financiare për palët, termat e bashkëpunimit në këtë fushë përcaktohen sipas rastit me marrëveshje të posaçme.

V. Partneritete në projekte ndërkombëtare

- Palët angazhohen të bashkëpunojnë në projekte të ndryshme.

VI. Leksione të hapura për studentët

DPPI do të ofrojë leksione të hapura për studentët e IKT mbi tematika të ndryshme që lidhen kryesisht me fushën e pronësisë industriale, inovacionit dhe teknologjisë. Këto leksione do të organizohen periodikisht dhe do të mbulojnë tema me interes praktik për studentët, duke sjellë ekspertizën e drejtpërdrejtë nga fusha.

Neni 2 Informimi mbi Pronësinë Industriale

DPPI do të informojë rregullisht CIT mbi produktet dhe shërbimet që mund të mbrohen nga pronësia industriale. Përmes këtij bashkëpunimi, palët synojnë të maksimizojnë mbrojtjen dhe komercializimin e inovacioneve të zhvilluara në CIT.

Neni 3 Të drejtat dhe detyrimet e palëve

Institucionet marrin përsipër që në perputhje me interesat institucionale, mundësitë e tyre dhe kapacitetet përkatëse, të vendosin në dispozicion të njëra-tjetrës të gjitha burimet njerëzore dhe materiale, për arritjen e qëllimeve që parashikon kjo marrëveshje.

Institucionet do të ruajnë konfidencialitetin e njëra-tjetrës, për të cilat do të vendosen në dijeni si rrjedhojë e bashkëpunimit të ndërsjellë të palëve. Palët do të nxisin njëra-tjetrën për një bashkëpunim sa më të gjerë dhe intensiv duke eksploruar fusha të tjera bashkëpunimi

Neni 4 Interpretimet

Palët do të interpretojnë çdo pikë të kësaj marrëveshjeje, duke marrë parasysh vullnetin dhe dëshirën e mirë të secilës prej palëve, deri në nënshkrimin e kësaj marrëveshjeje. Kjo marrëveshje nuk mund të jetë pjesë e ndonjë konflikti gjyqësor.

Neni 5 Komunikimi

Palët do të caktojnë personat e kontaktit që do të jenë përgjegjës për zbatimin e Memorandumit, me qëllim që komunikimi dhe shkëmbimi i të dhënave të jetë i shpejtë, konkret dhe efektiv. Në rastet e shmangies nga procedurat e përcaktuara në këtë Memorandum, palët do të merren vesh për procedura të pranueshme komunikimi në përputhje me legjislacionin në fuqi.

Personat e kontaktit për secilën palë, në kuadër të implementimit të këtij memorandumi janë:

Për DPPI:

Znj. Sonila Meka; e-mail: sonila.meka@dppi.gov.al; Mob.+355 673571802

Për IKT:

Znj. Sonila Kazhani. e-mail: sonila.kazhani@cit.edu.al; Mob.+355 696695925

Neni 6 Ndryshime

Memorandumi mund të ndryshohet vetëm me miratimin e ndërsjelltë me shkrim të dy palëve të përfshirë në të. Sipas rastit, për bashkëpunime specifike palët do të nënshkruajnë një akt të dytë në përputhje me aktet ligjore dhe nënligjore në fuqi.

Neni 7 Përfundimi i Memorandumit

Memorandumi mund të përfundojë në çdo kohë. Përfundimi do të hyjë në fuqi me marrjen e njoftimit me shkrim, të arsyetuar nga Pala tjetër.

Palët marrin përsipër t'u përmbahen termave dhe kushteve të memorandumit duke ofruar dhe shkëmbyer informacionin dhe dokumentacionin e nevojshëm, deri para datës së përfundimit të tij.

Neni 8 Hyrja në fuqi

Ky Memorandum Bashkëpunimi hyn në fuqi menjëherë pas nënshkrimit të tij nga përfaqësuesit e palëve. Memorandumi përgatitet dhe nënshkruhet në 2 (dy) kopje origjinale, një për secilën Palë.

Ky Memorandum Bashkëpunimi u nënshkrua sot, më datë 26/11/2024 dhe hyn në fuqi menjëherë.

Kolegji Universitar "Instituti Kanadez i Teknologjisë"

"Drejtoria e Përgjithshme e Pronësisë Industriale"

Rektor
Prof. Dr. Ismail Kocayusufovi

Drejtor i Përgjithshëm i Komanduar

Znj. Marja Gollis Kapedani

